



საგანმანათლებლო პროგრამების აკრედიტაციის  
საბჭოს გადაწყვეტილება  
ქ. თბილისი



MES 8 23 0000966278



04/08/2023

სსიპ - საქართველოს ტექნიკური უნივერსიტეტის ვეტერინარიის ინტეგრირებული სამაგისტრო  
საგანმანათლებლო პროგრამისთვის პირობითი აკრედიტაციის მინიჭების  
შესახებ

**1. გადაწყვეტილების მიღების სამართლებრივი საფუძვლები**

1.1 „უმაღლესი განათლების შესახებ“ საქართველოს კანონის 66-ე მუხლის პირველი პუნქტის, „განათლების ხარისხის განვითარების შესახებ“ საქართველოს კანონის 22-ე მუხლის პირველი პუნქტისა და საქართველოს განათლებისა და მეცნიერების მინისტრის 2011 წლის 4 მაისის №65/ნ ბრძანებით დამტკიცებული „საგანმანათლებლო დაწესებულებების საგანმანათლებლო პროგრამების აკრედიტაციის დებულების“ (შემდგომში - აკრედიტაციის დებულების) 27<sup>2</sup> მუხლის პირველი პუნქტის მიხედვით, საგანმანათლებლო პროგრამების აკრედიტაციის საბჭო (შემდგომში - საბჭო) სააკრედიტაციო დოკუმენტაციის, აკრედიტაციის ექსპერტთა ჯგუფის დასკვნის, დაწესებულების მიერ აკრედიტაციის ექსპერტთა ჯგუფის დასკვნის პროექტზე წარმოდგენილი არგუმენტირებული პოზიციის შესწავლისა და ზეპირი მოსმენის გამართვის საფუძველზე იღებს გადაწყვეტილებას საგანმანათლებლო დაწესებულების საგანმანათლებლო პროგრამების აკრედიტაციის თაობაზე. აკრედიტაციის დებულების 27<sup>5</sup> მუხლის მე-5 პუნქტის თანახმად, საბჭო ვალდებულია დაასაბუთოს მის მიერ მიღებული გადაწყვეტილება.

1.2. „განათლების ხარისხის განვითარების შესახებ“ საქართველოს კანონის 22-ე მუხლის მე-2 პუნქტის „ბ“ ქვეპუნქტისა და აკრედიტაციის დებულების 27<sup>5</sup> მუხლის პირველი პუნქტის „ბ“ ქვეპუნქტის შესაბამისად, საგანმანათლებლო პროგრამის პირობითი აკრედიტაციის შესახებ გადაწყვეტილებას იღებს საბჭო, თუ „განათლების ხარისხის განვითარების შესახებ“ საქართველოს კანონის 22-ე მუხლის 3<sup>2</sup> პუნქტისა და აკრედიტაციის დებულების 27<sup>6</sup>-ე მუხლის პირველი პუნქტის „გ“ ქვეპუნქტის თანახმად, საგანმანათლებლო პროგრამა სრულად ვერ აკმაყოფილებს აკრედიტაციის სტანდარტებს, კერძოდ, თუ საბჭოს მიერ საგანმანათლებლო პროგრამა აკრედიტაციის სტანდარტებთან შესაბამისობის შეფასებისას: ერთ სტანდარტთან მიმართებით მაინც შეფასდა, როგორც „ნაწილობრივ შესაბამისობაშია სტანდარტის მოთხოვნებთან“ და არცერთ სტანდარტთან მიმართებით არ შეფასდება, როგორც „არ არის შესაბამისობაში სტანდარტის მოთხოვნებთან“

1.3. „განათლების ხარისხის განვითარების შესახებ“ საქართველოს კანონის 22-ე მუხლის მე-3 პუნქტისა და აკრედიტაციის დებულების 27<sup>6</sup> მუხლის დებულების მე-4 პუნქტის მიხედვით, პირობითი აკრედიტაციის ვადაა არაუმეტეს 2 წელი.

1.4. აკრედიტაციის დებულების 27<sup>5</sup> მე-7<sup>1</sup> პუნქტის შესაბამისად, საბჭო უფლებამოსილია, დასაბუთებული არგუმენტაციის შემთხვევაში, განსაზღვროს გადაწყვეტილებების ძალაში შესვლის თარიღი.

**2. აღწერილობითი ნაწილი და დასაბუთება**

2.1. სსიპ - განათლების ხარისხის განვითარების ეროვნულ ცენტრში (შემდგომში - ცენტრი) 2022 წლის 09 დეკემბერს წარმოდგენილ იქნა სსიპ - საქართველოს ტექნიკური უნივერსიტეტის №1581349 წერილი (ცენტრში რეგისტრაციის №1583783, 09/12/2022), რომლითაც დაწესებულებამ წარმოადგინა სააკრედიტაციო განაცხადი ვეტერინარიის ინტეგრირებული სამაგისტრო საგანმანათლებლო პროგრამის აკრედიტაციის თაობაზე.

2.2. ცენტრის 2022 წლის 29 დეკემბრის №1675299 ბრძანების საფუძველზე, სსიპ - საქართველოს ტექნიკური უნივერსიტეტი ცნობილ იქნა აკრედიტაციის მაძიებლად. ცენტრის 2023 წლის 27 მარტის №345571 ბრძანების საფუძველზე შეიქმნა ექსპერტთა ჯგუფი, რომელმაც დაწესებულებაში ვიზიტი "ვეტერინარიის" ინტეგრირებული სამაგისტრო საგანმანათლებლო პროგრამის შეფასების მიზნით განახორციელა 2023 წლის 08 და 09 მაისს. ექსპერტთა ჯგუფის მიერ წარმოდგენილი დასკვნის შესაბამისად, სააკრედიტაციოდ წარმოდგენილი პროგრამა შეფასდა შემდეგნაირად:

სტანდარტები	შესაბამისობაშია მოთხოვნებთან	მეტწილად შესაბამისობაშია მოთხოვნებთან	ნაწილობრივ შესაბამისობაშია მოთხოვნებთან	არ არის შესაბამისობაში მოთხოვნებთან
1. საგანმანათლებლო პროგრამის მიზანი, სწავლის შედეგები და მათთან პროგრამის შესაბამისობა		•		
2. სწავლების მეთოდოლოგია და ორგანიზება, პროგრამის ათვისების შეფასების ადეკვატურობა			•	
3. სტუდენტთა მიღწევები, მათთან ინდივიდუალური მუშაობა	•			
4. სწავლების რესურსებით უზრუნველყოფა		•		
5. სწავლების ხარისხის განვითარების შესაძლებლობები		•		

--	--	--	--	--

2.3. საბჭომ შეისწავლა საგანმანათლებლო პროგრამების აკრედიტაციასთან დაკავშირებული დოკუმენტაცია, კერძოდ, თვითშეფასების ანგარიშსა და მასზე თანდართულ დოკუმენტაციაში ასახული ინფორმაცია, ექსპერტთა ჯგუფის დასკვნა, ექსპერტთა ჯგუფის დასკვნის პროექტზე აკრედიტაციის მაძიებლის მიერ ცენტრისთვის წარმოდგენილი არგუმენტირებული პოზიცია.

2.4. ზეპირი მოსმენა გაიმართა 2023 წლის 21 ივლისს. სააკრედიტაციო განაცხადის, აკრედიტაციის ექსპერტთა ჯგუფის დასკვნისა და ექსპერტთა ჯგუფის დასკვნის პროექტზე აკრედიტაციის მაძიებლის მიერ ცენტრისთვის წარმოდგენილი არგუმენტირებული პოზიციის, ასევე სხდომაზე დაინტერესებული მხარეების ზეპირი პოზიციის მოსმენის საფუძველზე, საბჭომ სრულად გაიზიარა ექსპერტთა დასკვნაში დაფიქსირებული შეფასება.

### **3. სარეზოლუციო ნაწილი**

„უმაღლესი განათლების შესახებ“ საქართველოს კანონის 66-ე მუხლის პირველი პუნქტის, მე-2 პუნქტის „ა“ ქვეპუნქტისა, მე-3 და მე-5 პუნქტების, „განათლების ხარისხის განვითარების შესახებ“ საქართველოს კანონის 22-ე მუხლის პირველი პუნქტის, მე-2 პუნქტის „ა“ ქვეპუნქტის, მე-5 და მე-9 პუნქტების, აკრედიტაციის დებულების 27<sup>2</sup> მუხლის პირველი პუნქტის, 27<sup>5</sup> მუხლის პირველი პუნქტის „ბ“ ქვეპუნქტისა და მე-5 პუნქტის, 27<sup>6</sup> მუხლის პირველი პუნქტის „გ“ ქვეპუნქტის, „საჯარო სამართლის იურიდიული პირის - განათლების ხარისხის განვითარების ეროვნული ცენტრის საქმისწარმოების წესისა და შინაგანაწესის დამტკიცების შესახებ“ სსიპ განათლების ხარისხის განვითარების ეროვნული ცენტრის დირექტორის 2011 წლის 01 ივნისის №223 ბრძანების მე-8 მუხლისა და საქართველოს ზოგადი ადმინისტრაციული კოდექსის 53-ე მუხლის შესაბამისად, აკრედიტაციის საბჭომ, კენჭისყრის შედეგად 17 ხმით არცერთის წინააღმდეგ,

#### **გადაწყვეტა:**

1. დაკმაყოფილდეს იქნა სსიპ - საქართველოს ტექნიკური უნივერსიტეტის მიერ წარმოდგენილი სააკრედიტაციო განაცხადი და დანართი №1-ით გათვალისწინებულ "ვეტერინარიის" ინტეგრირებულ სამაგისტრო საგანმანათლებლო პროგრამას მიენიჭოს პირობითი აკრედიტაცია 2 წლის ვადით, 2025 წლის 21 ივლისამდე
2. ცნობილ იქნას აკრედიტაციის ექსპერტთა ჯგუფის დასკვნა "ვეტერინარიის" ინტეგრირებულ სამაგისტრო საგანმანათლებლო პროგრამის შესახებ ამ გადაწყვეტილების განუყოფელ ნაწილად (დანართი № 2).
3. ცნობილ იქნას საბჭოს 2023 წლის 04 აგვისტოდ სხდომის №965860 ოქმის №01 ნაწილი ამ გადაწყვეტილების განუყოფელ ნაწილად (დანართი № 3).
4. დაწესებულებას შესასრულებლად განესაზღვრა შემდეგი რჩევები და რეკომენდაციები:

#### **რეკომენდაციები:**

##### **პირველი სტანდარტი:**

1.1 ექსპერტთა ჯგუფი რეკომენდაციას უწევს კურიკულუმის კრედიტების გადახედვას ქართული რეალობისა და საზოგადოების მოლოდინების გათვალისწინებით, რათა დარწმუნდეს, რომ მიზნების მიღწევა 5 წლის განმავლობაში იქნება შესაძლებელი;

1.2 ექსპერტთა ჯგუფი რეკომენდაციას უწევს პროგრამის გადახედვას წინასწარ განსაზღვრული სწავლის შედეგების მისაღწევად;

1.3 დოკუმენტში „სწავლის შედეგების შეფასება და განვითარება“, „ვეტერინარიის“ ინტეგრირებული სამაგისტრო საგანმანათლებლო პროგრამის სწავლის შედეგების შეფასების სიხშირე უნდა დაემატოს დაკონკრეტებული ფორმით და წინასწარ განსაზღვრული მახასიათებლებით, რომელთა საშუალებითაც მოხდება მიღებული შედეგების შედარება;

1.4 ექსპერტთა ჯგუფი რეკომენდაციას უწევს კურიკულუმის კრედიტების გადახედვას მათი შემცირების მიზნით, ქართული რეალობისა და საზოგადოების მოლოდინების გათვალისწინებით;

1.5 რეკომენდებულია სილაბუსებში თანამედროვე და ადეკვატური ლიტერატურის გამოყენება;

1.5 გადაიხედოს და შეიცვალოს ყველა შეცდომებით დაწერილი სილაბუსი და გასწორდეს ნაკლები/ მცდარი შინაარსი.

### **მეორე სტანდარტი:**

2.2 რეკომენდირებულია უნივერსიტეტმა განავითაროს კლინიკური პრაქტიკული ელემენტები საუკეთესო ევროპული ვეტერინარული პრაქტიკის მიხედვით.

2.2 მნიშვნელოვანია, რომ პროგრამამ განავითაროს დიაგნოსტიკური და თერაპიული საშუალებების ფართო სპექტრი, მათ შორის: კლინიკური დიაგნოსტიკური ვიზუალიზაცია, კლინიკური პათოლოგია, ანესთეზია, ქირურგია და მკურნალობის უნარები, და შეუძლია უზრუნველყოს ინტენსიური/ კრიტიკული მკურნალობა, ამბულატორიული მომსახურება, ფარმაცია და გაკვეთის საქმიანობა.

2.3 ცოცხალი ცხოველების გამოყენება სწავლებაში მნიშვნელოვანია, რაც გარანტირებული უნდა იყოს სწავლის პერიოდის ყველა საფეხურზე (განსაკუთრებული აქცენტით ფერმის ცხოველებზე).

2.3 მკაცრად რეკომენდებულია, რომ პრაქტიკული ტრენინგი როგორც სწავლის მეთოდი, დაინერგოს როგორც ძირითადი კლინიკური ტრენინგი, უნივერსიტეტის პედაგოგთა უშუალო ზედამხედველობით (მაგ. ამბულატორიული კლინიკები, ნახირის ჯანმრთელობის მართვა, პრაქტიკული ტრენინგი ვეტერინარულ საზოგადოებრივ ჯანდაცვაში, მათ შორის სურსათის უვნებლობა და ხარისხი).

2.4 სემესტრის განმავლობაში შუალედური შეფასების მაქსიმალური ჯამური შეფასებაა 60 ქულა, რომელიც ნაწილდება 15 კვირაზე. მაქსიმალური შეფასება თითოეული კვირისთვის არის 4 ქულა. იმის გათვალისწინებით, რომ თითოეული პრაქტიკა 3- დან 5 კვირამდე გრძელდება, ექსპერტები თვლიან, რომ გარე პრაქტიკის სილაბუსებში სტუდენტების შეფასების კრიტერიუმები და მეთოდები შესაბამისად უნდა იყოს მორგებული.

### **მეოთხე სტანდარტი:**

4.1 რეკომენდებულია, რომ უნივერსიტეტმა შექმნას ვეტერინარული გამოცდილების მქონე მუდმივი აკადემიური პერსონალის ძირითადი ჯგუფი.

4.1 პროგრამის ხელმძღვანელები უნდა იყვნენ უნივერსიტეტის მუდმივი აკადემიური პერსონალის ნაწილი.

4.1 მასწავლებელთა ჩართულობა ოპტიმალურად და დაბალანსებულად უნდა იყოს ორგანიზებული, რათა შენარჩუნდეს სწავლების ხარისხი და უზრუნველყოფილი იყოს, რომ თითოეული მასწავლებლის დატვირთვა გონივრული და ადეკვატური იყოს.

4.3 უნივერსიტეტმა უნდა დაანერგოს მოწვეული პერსონალის აკადემიური შეფასების სისტემა.

4.3 უნივერსიტეტი პასუხისმგებელია მოწვეული პერსონალის პედაგოგიურ უნარებზე ზრუნვასა და ტრენინგზე. გარდა ამისა, უნივერსიტეტმა უნდა იპოვოს მათი კვლევით აქტივობებში ჩართვის გზები

4.4 უნივერსიტეტმა უნდა შეიმუშავოს აღჭურვილობის შესყიდვის სრული სია პრაქტიკული სწავლის ადეკვატური ხარისხის უზრუნველსაყოფად. უნივერსიტეტის საკუთარი კლინიკური დაწესებულებები, ისევე როგორც პარტნიორების (კერძო კლინიკები და ცხოველთა თავშესაფრები) აღჭურვილი უნდა იყოს შესაბამისი უახლესი ვეტერინარული აპარატურით და ინსტრუმენტებით.

4.4 უნივერსიტეტმა უნდა უზრუნველყოს სტუდენტთა ხელმისაწვდომობა დიაგნოსტიკური და თერაპიული საშუალებების ფართო სპექტრზე, მათ შორის (და არა მარტო): კლინიკური უნარების ლაბორატორია, დიაგნოსტიკური ვიზუალიზაცია, კლინიკური პათოლოგია, ანესთეზია, ოპერაციები და სამკურნალო საშუალებები, ინტენსიური/ კრიტიკული მკურნალობა, ამბულატორიული მომსახურება, ფარმაცია და ნეკროპსიის ობიექტები. ასევე ხელმისაწვდომი უნდა იყოს პროცედურები და საშუალებები ტრანსფერული უნარების ტრენინგისთვის, მაგ. კომუნიკაციის უნარების ტრენინგი როლური თამაშის საშუალებით.

4.4 რეკომენდებულია თანამედროვე და ადეკვატური ლიტერატურის გამოყენება. (უახლესი ინგლისური ლიტერატურის გვერდით შემოთავაზებული იყო 1960- 70- იანი წლების რუსული და ქართული სახელმძღვანელოები და სასწავლო მასალები. ასეთი მოძველებული ინფორმაცია თავდაპირველ ფორმატში ვერ ჩაითვლება მიზანშეწონილად ან სასარგებლო მასალად).

4.4 სტუდენტების, ასევე ცოცხალი ცხოველების, გვამების, ცხოველური წარმოშობის მასალების და სხვა სასწავლო მასალების ტრანსპორტირების ორგანიზებამ უნდა უზრუნველყოს სტუდენტებისა და პერსონალის უსაფრთხოება, ცხოველთა კეთილდღეობა და თავიდან აიცილოს ინფექციური აგენტების გავრცელება.

4.5 უნივერსიტეტმა უნდა შეიმუშაოს შესაბამისი სამოქმედო გეგმა (ობიექტები, აღჭურვილობა, პერსონალი და ა.შ.) საჭირო თანხებით.

### **მეხუთე სტანდარტი:**

5.1 საჭიროა რესურსების დეტალური შეფასებისა და შესაძლო დეტალური სქემის შემუშავების კოორდინაცია საჭირო მასალებისა და ხელსაწყოების შესაძენად.

5.3 პროგრამის ხარისხის განვითარების მიზნით მნიშვნელოვანია რეგულაციებით გათვალისწინებული მექანიზმების უფრო სრულყოფილად გამოყენება - მატერიალური რესურსების შეფასება, პროგრამის წინაპირობები/ მკითხველი ქართულ ენაზე, პროგრამის მდგრადობა, აკადემიური პერსონალის შეფასება და ა.შ.

### **რჩევები:**


1. ძალიან მნიშვნელოვანია ნანტის ვეტერინარულ სკოლასა და საქართველოს ტექნიკურ უნივერსიტეტს შორის თანამშრომლობის ხელშეკრულების გაფორმება, რათ უზრუნველყოფილ იქნას სასწავლო კურსისა და სწავლების ხარისხის მუდმივი გაუმჯობესება.
2. თანამედროვე სასწავლო გეგმების გამოწვევა და ფრანგული მოდელის (მათ შორის შინაარსის) გადმოღება მოითხოვს ახალ (ინტერდისციპლინურ) მიდგომებს პროცესებში (მათ შორის სწავლების მეთოდებში), რომლებიც საჭიროებს გულმოდგინე მონიტორინგს და კოორდინაციას.
3. ექსპერტთა კომიტეტი გთავაზობთ საერთაშორისო თანამშრომლობის პროექტების (Erasmus და სხვ.) წამოწყებას ვეტერინარიის სფეროშიც. ფორმალიზებული თანამშრომლობა ხელს შეუწყობს კურსის შინაარსის შემდგომ განვითარებას და ამჟამინდელი და მომავალი აკადემიური პერსონალის მომზადებას.
4. სასურველია უნივერსიტეტმა შექმნას გეგმა და განახორციელოს ზომები, რომლებიც დაეხმარება პირველი კურსის სტუდენტებს გადაჭრან ინგლისური ენის ცოდნასთან დაკავშირებული გამოწვევა.
5. სასურველია სტუდენტების შეფასება კლინიკურ დისციპლინებში განხორციელდეს ობიექტურად სტრუქტურირებული კლინიკური გამოცდით (OSCE).
6. ხელმისაწვდომი უნდა იყოს დიდაქტიკური და პედაგოგიური მომზადებისა და სპეციალიზაციის შესაძლებლობები. უნდა ჩამოყალიბდეს მკაფიოდ განსაზღვრული დაჯილდოების სისტემა გამორჩეული სწავლებისთვის.
7. უნივერსიტეტში ასევე უნდა ჩამოყალიბდეს ვეტერინარული სადოქტორო პროგრამა გრძელვადიან პერსპექტივაში.

8. საერთაშორისო თანამშრომლობა წარმოადგენს უშუალო წინაპირობას ვეტერინარიის პროგრამის მდგრადობის უზრუნველსაყოფად. კლინიკური პრაქტიკული კომპეტენციის, ერთობლივი კვლევითი პროექტების გაზრდისა და საუკეთესო ვეტერინარული პრაქტიკის დანერგვის მიზნით, უნივერსიტეტმა უნდა შეიმუშაოს
9. საერთაშორისო თანამშრომლობა და გაცვლითი პროგრამები აკადემიური პერსონალისათვის.
10. ძალიან მნიშვნელოვანია ნანტის ვეტერინარულ სკოლასა და საქართველოს ტექნიკურ უნივერსიტეტს შორის თანამშრომლობის ხელშეკრულების გაფორმება, რათა უზრუნველყოფილ იქნას სასწავლო კურსისა და სწავლების ხარისხის მუდმივი გაუმჯობესება.
11. საჭიროა რესურსების დეტალური შეფასებისა და შესაძლო დეტალური სქემის შემუშავების კოორდინაცია საჭირო მასალებისა და ხელსაწყოების შესაძენად.
12. პროგრამის განხორციელების დასრულების შემდეგ, უნივერსიტეტმა უნდა გააგრძელოს განვითარების პროცესი EAEVE (ვეტერინარული განათლების დაწესებულებების ევროპული ასოციაცია) მიერ ბაკალავრიატის ვეტერინარული განათლებისთვის დადგენილი სტანდარტების გათვალისწინებით.
13. გადაწყვეტილების მიღებისთვის უფრო ობიექტური და სანდო ინფორმაციის მისაღებად დაწესებულებამ უნდა გაზარდოს გამოკითხვებში ჩართული რესპონდენტების - განსაკუთრებით სტუდენტებისა და კურსდამთავრებულების რაოდენობა.

5. საბჭოს აღნიშნული გადაწყვეტილება ძალაში შევიდეს 2023 წლის 21 ივლისს.

6. საბჭოს მიერ მიღებული გადაწყვეტილება, საქართველოს ზოგადი ადმინისტრაციული კოდექსის 180-ე მუხლის პირველი ნაწილისა და „განათლების ხარისხის განვითარების შესახებ“ საქართველოს კანონის 24 მუხლის პირველი პუნქტის შესაბამისად, საგანმანათლებლო დაწესებულების მიერ შეიძლება გასაჩივრდეს სააპელაციო საჩივრის სააპელაციო საბჭოში წარდგენის გზით შემდეგ მისამართზე: ქ.თბილისი, მ. ალექსიძის II შესახვევი №2, ან თბილისის საქალაქო სასამართლოს ადმინისტრაციულ საქმეთა კოლეგიაში სარჩელის შეტანის გზით შემდეგ მისამართზე: ქ. თბილისი, დავით აღმაშენებლის ხეივანი №64, აღნიშნული გადაწყვეტილებისა და მისი დასაბუთებითი ნაწილების (დანართი №1, დანართი №2, დანართი №3) ცენტრის ვებ-გვერდზე ([www.eqe.ge](http://www.eqe.ge)) გამოქვეყნების დღიდან, ერთი თვის ვადაში.

უმაღლესი საგანმანათლებლო პროგრამების  
აკრედიტაციის საბჭო  
საბჭოს მდივანი  
რატიანი რატი



საგანმანათლებლო პროგრამების აკრედიტაციის  
საბჭო  
საბჭოს თავმჯდომარე  
ბუჩაშვილი გოდერძი



№	ინფორმაცია საგანმანათლებლო პროგრამის შესახებ	
1	საგანმანათლებლო პროგრამის დასახელება	ვეტერინარია
2	ერთობლივი უმაღლესი საგანმანათლებლო პროგრამა	-
3	სტატუსი	ახალი
4	სტატუსის გათვალისწინებით, საბჭო(ებ)ს გადაწყვეტილების თარიღი და ნომერი	-
5	ხელახალი აკრედიტაციის შემთხვევაში საგანმანათლებლო პროგრამის წინა დასახელება	-
6	უმაღლესი განათლების საფეხური	ინტეგრირებული სამაგისტრო
7	დაშვების წინაპირობები	-
8	კვალიფიკაციის დონე	მე-7
9	კვალიფიკაციის დასახელება	ვეტერინარიის მაგისტრი
10	ზოგადი განათლების შესაბამისი საფეხურის საგნის/საგნების/საგნობრივი ჯგუფის სწავლების უფლების მითითებით	-
11	დეტალური სფეროს დასახელება და კოდი (ISCED – F – 2013)	ვეტერინარია 0841
12	სწავლების ენა	ქართული
13	ECTS კრედიტების ჯამური რაოდენობა	347
14	განხორციელების ადგილი	მ. კოსტავას ქ. N 77, თბილისი, სტუ-სსასწავლო კორპუსი N 1 და N 8; 0171, საქართველო
15	მსჯავრდებულ აბიტურიენტთა საგანმანათლებლო პროგრამაზე სწავლა-სწავლების უფლებამოსილება	-
16	ამ გადაწყვეტილების ძალაში შესვლის თარიღი	2023 წლის 21 ივლისი
17	აკრედიტაციის საბჭოს მიერ გაცემული რეკომენდაციების შესრულების თაობაზე ანგარიშის წარმოსადგენად/მონიტორინგის განსახორციელებლად განსაზღვრული ვადა	-

18

აკრუტაციის ვადის გასვლის თარიღი

2025 წლის 21 ივლისი